




ILLOQARFIUP ILAANUT PILERSAARUT 4B1-1

KOMMUNIMUT PILERSAARUMMUT TAPILIUSSARTALIK NR. 33

NATERNAQ- QINNGUTSINNI INUUSSUTISSARSIUTEQARFIK



NUUP KOMMUNEA

TEKNIKKIMUT AVATANGIISINULLU INGERLATSIVIK

Juni 2006

IMARISAI

ILITSERSUUT.....	3
NASSUIAAT.....	4
Illoqarfiup ilaanut pilersaarutip siunertaa	5
Illoqarfiup ilaanut pilersaaruteqarfik	5
Pissutsit pioreersut.	7
Pilersaarummut allamut inissisimanagera	9
Inatsisitigut sunniutit.....	10
Tamanut tusarliunneqarnera.....	10
AALAJANGERSAKKAT	11
§ 1 Illoqarfiup ilaanut pilersaarutip siunertaa	11
§ 2 Illoqarfiup ilaanut pilersaaruteqarfik.....	11
§ 3 Atornera.....	11
§ 4 Aqqusinernut pisinnaallu aqutaannut tunngasut	12
§ 5 Sanaartukkap angissusia inissinneqarneralu	13
§ 6 Sanaartukkap silataata isikkua	13
§ 7 Teknikkikkut atortulersuutit.....	13
§ 8 Nunaminertat sanaartorfigineqanngitsut	14
§ 9 Piginnittut peqatigiiffiat	14
§ 10 Sanaartukkanik nutaanik atuilernissamut piumasaqaatit	14
KOMMUNIMUT PILERSAARUMMUT TAPILIUSSAQ NR. 33	15
Killiliussatut aalajangersakkat atuuttut	15
Siunissami killiliussassatut aalajangersakkat.....	16
AKUERSISSUTIGINEQARNERANUT ATSIORNERIT	18
Siunnersuutitut akuerineqarnera	18

Ilanngussaq 1:	Kommunimut pilersaarummut nr. 33-mut killiliussanut nunap assinga.
Ilanngussaq 2:	Killiliussat immikkoortukkuutaarlugu agguatarineq.
Ilanngussaq 3:	Sanaartorfissat taakkulu normui
Ilanngussaq 4:	Sanaartukkat uuttuut kote atorlugu portunerpaaffilikkat
Ilanngussaq 5:	Pilersaarutit titartagartaat.

Ungaluata titartagartaa: copyright Asiaq, Misissueqqaarnerit

ILITSERSUUT

Illoqarfiup ilaanut pilersaarummi nunaminertat, illut nutaat, pisuinnaat aqqutaat, aqqusernit il.il. qanoq atorineqassanersut, inissinneqassanersut aammalu immikkoortup aalajangersimasup iluani qanoq iluseqassanersut aalajangersarneqartarput.

Illoqarfiup ilaanut pilersaarut nassuiaatitaqarpoq aammalu illoqarfiup ilaanut pilersaarummut aalajangersagartaqarluni.

Nassuiaatini illoqarfiup ilaanut pilersaarummi siunertat anguniakkallu naatsumik oqaluttuarineqartarput, illoqarfiup ilaanut pilersaarusiortarfiusumi eqqaanilu pioreersut aammalu illoqarfiup ilaanut pilersaarut pilersaarutininut allanut qanoq attuumassuteqarnersoq.

Illoqarfiup ilaanut pilersaarusiortarfiusumi aalajangersakkat atuuttussaviupput.


Nunaminertanik atuisarneq pillugu Inatsisartut peqqussutaat nr. 6, 19. december 1986-imeersoq, kingornalu allannguuteqartinneqartoq, aamma nunaminertanik atuisarneq pilersaarusiortarnerlu pillugit Nalunaarut nr. 23, 18. november 1992-imeersoq kingorna allannguuteqartinneqartoq malillugit kommunalbestyrelse illoqarfiup ilaanut pilersaarusiortussaataavoq:

- Kommunip pilersaarusiortarnerata piviusunngortinneqarnissaa pisariaqartinneqarpat qulakkeerniassallugu.
- Angisuumik illuliassaq, atortulersuutit imaluunniit nunaminertamik tunniussinerit aallartinneqartinnagit.

Illoqarfiup ilaanut pilersaarusiortussaataitanerup pilersaarusiortarnermi annertunerusumik ataqatigiissaarisooqarnissaa innuttaasullu peqataatinneqarnissaa siunertaraa.

Taamaattumik illoqarfiup ilaanut pilersaarut sivikinnerpaamik sapaatip akunnerini arfinilinni tamanut saqqummiunneqassaaq. Taamaalereerpat kommunalbestyrelsip akertiliiissutaasinnaasut allannguutissatullu siunnersuutaasinnaasut pilersaarut inaarutaasumik akuersissutigittinnagu naliliiffigissavai.

Illoqarfiup ilaanut pilersaarutit inatsisitigut atuuffii illoqarfiup ilaanut pilersaarummi erseqqissumik allaaserineqarput.



Illoqarfiup ilaanut pilersaarusiortifiusoq



Qinngutsinnut pilersaarut

NASSUIAAT


Illoqarfiup ilaanut pilersaarutit tunuliaqtua

Illoqarfiup nutaartaa, Qinngorput, allilernerqarpoq illoqarfiullu ilaanut pilersaarutini siullerni marluusuni 4A1-mi aamma 4A2-mi inissiat 450-it sanaartorneqarput. Illoqarfiup ilaani inissiat 2.000-it missaanniissapput, qitiusoqarfeqassaaq umiatsianullu nuannaariartaatinut umiatsivileqassalluni. Allililerinermi ukiumut inissiat 150-it missaasa sananeqartarnissaat naatsorsuutigineqarpoq. Qinngorput Nuummit ungasissumi inissisimammat ukiunilu tullit-tuni qulini – 15-ini Nuup illoqarfiata allilernerqarnissaa Qinngutsinni ingerlanneqarnerus-saammat Qinngutsinni inuussutissarsiuteqarfik pisariaqartinneqarpoq.

Inuussutissarsiuteqarfik aallaqqaammut qitiu-soqarfimmik sanaartorfigissaanermi Qinngut-talu sinnerani sanaartornermi toqqorsivittut ujaqqurevittullu atorineqarsinnaavoq.

Illoqarfiup ilaanut pilersaarut 4B1-1 ilutigalugu sumiiffimmut 4A5-mut immikkoortumut pilersaarusiortoqassaaq taannalu ujaqqureviqar-fimmut tunniunneqassaaq. Ujaqqat sanaartorfigissaanernut atorineqassapput tamannalu ilu-tigalugu qaatiterereernikkut kingusinnerusuk-kut qingartami inissiat 300-t missaanniittut sa-naartorneqarsinnaassapput.

Inuussutissarsiuteqarfiup kujataa'tungaani qooqqumi iliveqarfiliortoqarnissaa pilersaarut-igineqarpoq. Taamaattorli nunamik misissui-nerup takuteqqaarumaarpaa sumiiffik siuner-tamat naleqqunnersoq.



Illoqarfiup ilaanut pilersaarutip siunertaa imarisaalu

Illoqarfiup ilaanut pilersaarummit illuliorfissat assigiinngitsunik angissusillit kiisalu inuussutissarsiutinut, allaffinnut niuertarfinnullu sanaartorfissat tunniunneqassapput.

Inuussutissarsiuteqarfiup ilusilersorneqarne-
ra.


Pilersaarutikkut inuussutissarsiuteqarfiup qitiusoqarfiup tungaanut illoqarfiup ilaani qitiusumik aqqusineq sinerlugu kiisalu pinngortitamut avatangiiserineqartumut assigiiaamik killilerlugu illoqarfiup eqqaani ilusilersorneqarnissaa qulakkeerneqassaaq.

Qitiusoqarfirmi illoqannginnersamiit pisuinnaat aqputaat kujammut sammissaaq nerngallattiarlu qaangilaariarlugu kujammut qooq-qup tungaanut inuussutissarsiuteqarfik aqqusaarlugu sammiveqassalluni. Inuussutissarsiuteqarfiup sanaartugartai illoqarfiup ilaata aqqusernga sinerlugu inissinneqassapput, taamaalilluni pisuinnaat aqputaat qitiusoqarfirmi pisuinnaat aqputaa uiguuniassammat. Illoqarfiup ilaata aqqusernga sinerlugu inuussutissarsiuteqarfinnut, allaffinnut aamma niuernianut sammitinneqarlutik atuuffiit igalaani saqqummersitsivittallit aqqusiner-miillu innarluutilinnut naatsorsuussanik isaarialinnut sanaartorfissat tunniunneqassapput.

Sumiiffimmi 4A5-imi, Pingorsuaq, inissias-sarpassuit ilaat inuussutissarsiuteqarfirmut isikkiveqassapput taakkunanngaanniillu sumiiffik kuuq qaqqallu killilittut takuneqarsinnaassapput.

Inissiat

Sumiiffimmi unnukkut sapaatillu akunnerata naanerini toqqissimasoqartarniassammat, inoqarpalaarniassammat qaamaneqarniassam-mallu pilersaarutikkut sumiiffimmi sulisunut illunillu nakkutilliisunut inissialiortoqartitsi-sinnaassaaq.



Sumiiffik immikkoortunut sisamanut agguataarneqassaaq. Immikkoortoq 1 tankiisivimmut, qatserisarfimmut assigisaannullu tunniunneqassaaq. Immikkoortumi 2-mi niuertarfiit, allaffiit aamma inuussutissarsiutit nipiliunngitsut tipiliunngitsullu atuisunut sammitinneqartut qulaannilu nakkutilliisunut sulisunnulluunniit inissialiornissamut periarfissallit sanaartorneqarsinnaapput.

Pinngortitaq

Kuuk inuussutissarsiteqarfiup kujataa' tungaaniittoq allanngortinneqassanngilaq. Kuup avannaatungaa kussiorlugu iluarsineqassaaq inuussutissarsiornermut nunaminertap aputaajarsinnaanissaa pillugu issangiarnanilu imattuunnginnissaa pillugu.

Inuussutissarsiteqarfiup kanga' tungaatigut kussiniliortoqassaaq taassumalu silap kissannerani nunap inuussutissarsiteqarfimmiittup imermik qallerneqannginnissaa qulakkiissavaa. Kussineq sinerlugu nunaminertat immikkoortinneqassapput, taamaalilluni aqqusinertigut angallatit silap kissannerani kussinermi aputaajaasinnaaniassammata.

Aqqusinernut aqqusinertigullu angallannermut tunngasut

Illoqarfiup ilaanut pilersaaruteqarfik Qarsumiit aqqusinermut pingaarnermut attaveqassaaq Qarsumiillu aqqusineq Nuummi aqquserngit pingaarnertit ilagaat.

Illoqarfiup ilaata aqqusernga inuussutissartiteqarfikkuussaaq taamaalilluni qooqqumut isikkivik appakaassinnaanerlu sanaartukkanit toqqorsivinnilluunniit asserneqannginnissammat. Tamaalilluni aqqusineq qooqqumut kujammullu pinngortitamut avatangiiserisamut appakaaffittut atorneqarsinnaaniassaaq.

Kujammut qooqqumi iliveqarfiliortoqassappat illoqarfiup ilaata aqqusernga aamma iliveqarfiup tungaanut aqqusiniusinnaassaaq.

Biilini inissiisarneq

Inuussutissarsiuteqarfinni ataasiakkaani biilini inissiisarnissamut piumasaqaateqartoqarpoq. Inissiisarfiit amerlassusissaat inuussutissarsiuteqarfiit niuertarfiilluunniit nunaminertani m² –it qanoq amerlatigisut atorlugit sananeqarsimanersut apeqqutaatillugit aalajangerneqassapput.

Illoqarfiup ilaani aqqusineq qitiusoq sinerlugu aamma illoqarfiup ilaani aqquserngit mikinerusut, kjasinnerusumiittuni inuussutissarsiuteqarfinnut aqqusineeqqatut atorneqartut, sinnerlugit nunaminertanik biilinit inissiisarfi-liornissanut immikkoortitsisoqassaaq.

Biilinit inissiisarfiit amerlassusaat naammangippata inuussutissarsiuteqarfinni inissisarfiliortoqartariaqassaaq.

Allagartalersuineq

Allagartalersuinerup sumiiffik takussunarsassanngippagu allagartalluunniit ersarippallaassanngippata allagartat inissinneqarnissaannut piumasaqaateqartoqassaaq. Taamaalilluni sanaartorfinni inuussutissarsiuteqarfinnilu taamaallaat allagartalersuisoqarsinnaassaaq.

Sumiiffiup allilerneqarnera.

Sumiiffiup kujataa' tungaa aallaqqaammut Qinngutsinnik sanaartorfigissaanermi ujaqqerivimmut toqqorsivittullu tunniunneqaqqaassaaq. Nunaminertat siunertanut allannut tunniussorneqarneri ilutigalugu inuussutissarsiuteqarfinnut tunniussuunneqassapput.

Qulakkeerneqassaaq ujaqqeriviugallartup avatangiisimut mingutsitsinnginnissaa aamma najugalinnut nipimik pujoralammillu akornuser-suinnginnissaa. Tamanna qulakkeerneqassaaq Naalakkersuisunut Avatangiisimut akuersisummik qinnuteqarnikkut.

Pissutsit pioreersut

Sumiiffik qooqqersimanertut immallu qaavaniit miiterinik 40-nik qatsinnerusumi kangimullu qaqqarsuup Ukkusissat kimmullu qingartat pukkinnerusut akornanni inissisimavoq. Qaqqat seqerngup qinngornerinut anorinullu sumiiffimmut sunniuteqarput.

Ukkusissat seqineq kangianit pukkilisimaartil-lugu assiussimasarpoq seqinerlu kipparaangat sumiiffimmut seqerngup qinnguaanik utersaartitsisarluni.

Sumiiffimmi kijasik avannarlu anoraakkujun-nerusarput. Qaqqat innartaasa portusuut sun-niutaannik sumiiffimmi anori sakkortutisinne-qartarpoq, aqqarsaartarpoq, anorillu sammivia allanngorterujussuarterlugu.



Sumiiffik avannaanit isigalugu. 2002.

Pilersaarummut allamut inissisimanera

Kommunimut pilersaarut

Sumiiffik Kommunimut pilersaarut 1993-2005-mut ilaatinneqanngimmat immikkoortumut killiliussamut nr. 33 4B1-imut, Naternami inuussutissarsiuteqarfik, illoqarfiup ilaanut pilersaarummik malitseqartinneqarpoq. Kommunimut pilersaarummut tapilius-saq illoqarfiup ilaanut pilersaarummut ilanngunneqarsimavoq.

Tapiliussamit 4B1 inuussutissarsiutinut, qatserisarfimmut tankiisivimmullu tunniunneqarpoq.

Illoqarfiup ilaanut pilersaarutissat.

Illoqarfiup ilaanut pilersaarut 4A5-1, Pingorsuaq.

Illoqarfiup ilaanut pilersaarut inuussutissarsiuteqarfiup kitaatungaani qingartami ujaqqerivimmut tunngassuteqassaaq ujaqqerivimiillu sanaartorfigissaanermi inuussutissarsiuteqarfissaq qitiusoqarfissarlu ujaqqanik pilersorneqassaaq. Qaartiterinikkuttaaq qingartami inissialiorsinnaaneq periarfissaalis-saaq. Kingusinnerusukkut illoqarfiup ilaanut pilersaarummik 4A5-2 mik, Pingorsuaq, taar-serneqassaaq tassanilu inissiat 300-t missaan-niinnissaat naatsorsuutigineqarpoq.

Illoqarfiup ilaanut pilersaarut 4D3-1, Eqinga

Illoqarfiup ilaanut pilersaarut umiatsialivim-mut atortorisarutitalimmut aama qitiusoqar-fiup kitaatungaani kangerliumanermi, umiar-sulivik pinngortitap nammineq pilersitaa, taassumalu eqqaani sukisaarsarfittut siunerta-qartunnut tunngassaaq.

Illoqarfiup ilaanut pilersaarut 4A4-1, Innar-talik

Illoqarfiup ilaanut pilersaarut umiatsialiviup kujataatungaani inissiaqarfimmut inissianik 300-t missaanni inissiartallimmut tunngassaaq.

Tamatuma saniatigut kujammut qingartaq sinerlugu inissiaqarfiit sisamat pilersaarutigi-neqarput.

Illoqarfiup ilaanut pilersaarut 4D4, (Oqaluf-fik iliveqarfillu)

Illoqarfiup ilaanut pilersaarummiipput oqaluf-fimmut iliveqarfimmullu atugassanngortinne-qartoq, inuussutissarsiornermut nunaminertap kujataatungaaniittoq.

Teknikkikkut pilersuineq

Kuuffissuit aammalu imermik innaallagissa-millu pilersuutit nunap iluatigoortinneqassap-put.

Kiassarneq:

Sumiiffik aalajangersimasumik kissamik pi-lersorneqassaaq imaluunniit avatangiisinut naleqquttunik nukissiuutinit, soorlu seqerngup nukinganik, nunap iluata kissarneranit il.il. pilersorneqassalluni.

Imeq:

Sumiiffik imeqarfimmit imilersorneqassaaq.

Imikoq:

Sumiiffik kommunip kuffissuaataanut attavi-lerneqassaaq.

Eqqaavilerineq:

Inuussutissarsiutitut illuliorfissani tunniunne-qartuni eqqaaviit imaluunniit eqqaaviit con-taineriusut inissinneqassapput.

Inatsisitigut sunniutai

Inatsisitigut sunniutaagallartut

Illoqarfiup ilaanut pilersaarut tamanut tusarliunneqareerpat nunaminertat, illuutit sanaartukkallu illoqarfiup ilaanut pilersaarummut ilaatinneqartut atorneqassanngillat imaluunniit illoqarfiup ilaanut pilersaarummut siunnersuummut akerliussumik sanaartorneqassanatik.

Inatsisitigut sunniutaagallartut illoqarfiup ilaanut pilersaarutip inaarutaasumik akuersissutigineqarnissaata tungaanut atuutissapput – taamaattorli siunnersuutip tamanut tusarliunneqarneraniit sivilisunerpaamik ukiumi ataatsimi.

Akerliniissamut piffissarititaasoq qaangiuppat akerliussutinillu takkuttoqarsimanngippat kommunalbestyrelsip nunaminertat, illoqarfiup ilaanut pilersaarummut ilaatinneqartut, atorneqarnissaat sanaartorfigineqarnissaalluunniit akuersissutigisinnaavai, atuineq sanaartornerluunniit illoqarfiup ilaanut pilersaarummut siunnersuummut akerliunngippat.

Inaarutaasumik inatsisitigut sunniutit

Illoqarfiup ilaanut pilersaarut kommunalbestyrelsimit inaarutaasumik akuersissutigineqarpat tamanullu saqqummiunneqarpat nunaminertat, illuutit atortullu illoqarfiup ilaanut pilersaarummut ilaatinneqartut illoqarfiup ilaanut pilersaarummi aalajangersakkanut naapertuuttumik taamaallaat atorneqarlutillu sanaartorneqarsinnaapput.

Taamaattorli pisuni assigiinngitsuni allanguutini annikitsuni immikkut akuersissuteqartoqarsinnaavoq. Annertunerusunik allanguuteqartoqassappat allatut ajornartumik nutaamik illoqarfiup ilaanut pilersaarusiortoqartariaqarpoq.

Illoqarfiup ilaanut pilersaarut pigineqarmat imaangilaq nunaminertat, illuutit atortullu pilersaarummiittut pilersinneqassasut.

Maannakkut nunaminertanik, illuutini atortunillu unioqqutitsinngitsumik atuineq ingerlaannarsinnaavoq. Tassa ilaatigut imaappoq

manna tikillugu nunaminertanik, illuutini atortunillu unioqqutitsinngitsumik atuineq ingerlaannarsinnaasoq, akerlianilli assersuutigalugu sanaartukkanik nutaanik allannguilluni atuineq sanaartornerluunniit illoqarfiup ilaanut pilersaarummut naapertuutissanngitsaq/akerliussanngitsaq.

Oqallisigineqarfia akuersissutigineqarneralu.

Illoqarfiup ilaanut pilersaarummut 4B1-1-imut, Naternaq, siunnersuut kommunimut pilersaarummut tapiliussartalik nr. 33, tamanut oqallisissanngorlugu saqqummiunneqarpoq piffissami 8. marts-imiit 19. april 2006-ip tungaanut.

Tusarniaanerup nalaani siunnersuummut oqaaseqaatit akerliliissutillu ataasiakkaat tiguneqarput.

Kommunalbestyrelsip Illoqarfiup ilaanut pilersaarut 4B1-1, Naternaq, Kommunimut pilersaarummut tapiliussartalik nr. 33 ulloq 26. juni 2006-imi suliaraa, pilersaarullu tamanut saqqummiunneqartoq akuersissutigalugu makkuninnga allannguutitalerlugu:

- 1 Immikkoortup qiterpasissuani sakkortusaavimmud nunaminertassaliisoqassasoq.
- 2 Immikkoortumi bussinut garage-mut nunaminertassaliisoqassasoq.
- 3 Naalakkersuisunut avatangiisimut akuersissummik qinnuteqartoqassasoq ujaqperiviugallartussamut aamma avatangiisimut assut mingutsitsinermut.
- 4 Suliffeqarfiit avatangiisimut peqqussummi kapitel 5-imi ilaasut suliffeqarfimmut atatillugu inissialiorsinnaanerata inerteqqutigineqassasoq.
- 5 Pilersaarut aqqissuinikkut annikitsunik allannguuteqartinneqassasoq.

Naalakkersuisut ulloq 12. oktobari 2006-imi Kommunimut pilersaarummut tapiliussaq nr. 33 akuersissutigaat.

AALAJANGERSAKKAT

Kommunalbestyrelsip matumuuna aalajangersakkat makku, nunaminertamik atuineq pilersaarusiornerlu pillugit Inatsisartut peqqussutaat nr. 6, 19. december 1986-imeersaq kingorna allannguutitaqartinneqartoq naapertorlugu aammalu nunaminertamik atuineq pilersaarusiornerlu pillugit Nalunaarutaat nr. 23, 18. november 1992-imeersaq kingusinnerusukkat allanngortinneqartoq naapertorlugit aalajangersarpai.

§ 1 Illoqarfiup ilaanut pilersaarutip siunertai

1.1 Illoqarfiup ilaanut pilersaarutip siunertai tassaapput:

Sumiiffiup inuussutissarsiutinut atorneqarnissaata qulakkeernissaa, tassunga ilanngullugu qatserisarfimmut tankeqarfimmullu.

Qinngutsinni sanaartorfigissaanermi ujaqquqeriviugallartumut toqqorsiviugallartumullu nunaminertamik qulakkeerrinninnissaa.

Sumiiffiup ilassutitut qitiusoqarfimmut illoqarfittut isikkoqarnissaa qulakkiisallugu kiisalu pinngortitamut avatangiiserineqartumut assigiiartumik killilersorneqarnissaa.

§ 2 Illoqarfiup ilaanut pilersaaruteqarfik

2.1 Illoqarfiup ilaanut pilersaaruteqarfik ilanngussami 1-imisut takutinneqartumi killilersugaavoq imikkoortunullu sisamanut agguataagaalluni.

2.2 Sumiiffik 7,3 Ha-it missaanni annertususeqarpoq.

§ 3 Atorneqarnera

3.1 Illoqarfiup ilaanut pilersaaruteqarfimmit inuussutissarsiutinut siunertaqartunut, qatserisarfimmut tankeqarfimmullu kiisalu Qinngutsinni sanaartorfigissaanermi ujaqquqeriviugallartutut toqqorsiviugallartutullu atorneqartussanngorlugu aalajangersaasoqarpoq.

3.2 Suliffeqarfinnik immikkut mingutsitsisunik sanasoqassanngilaq, tullinnguutulli inuussutissarsiutinut siunertaqartut makku akuerineqarsinnaapput Naalakkersuisunit avatangiisimut akuersissuteqartoqartillugu:

- Assiliinermut suliffissuit assinillu ersersaaviit
- Naqitsineq atorlugu kuitsiviliornermut, naqitsinermut, nioqqutissanik plastikkiusunik qajannaallisaaneq naqitsinerlu atorlugu ilusilersuineq.
- Aviisinut atuakkanullu naqiteriviit.
- Maskiinat atorlugit pequsiorfiit.
- Eqqiaaviit errorsisarfiillu.
- Biiliniq eqqiaaviit kiisalu qamutunut motoriilinnut sullissiviit iluarsaassisarfiilluunniit.
- Pujooriviit, neqaarniarfiit inuussutissaarniarfiillu.
- Illuliassat katitertakkat atortussianik suliarineqartarfiarfiit suliffeqarfiit.

3.3 Sanaartorfiit 8, 9, 10, 11, 15, 16, 17, 19, 22, 23 aamma 24 aallaqqaammut Qinngutsinni sanaartorfigissaanermi ujaqquqeriviugallartumut toqqorsiviugallartumullu tunniunneqarallassapput. Nunaminertat atorneeruppata ilanngussami 3-mi takutinneqartut inuussutissarsiuteqarfittut tunniunneqassapput.

Immikkoortuni pineqartuni mingutsitsisoqassanngilaq, imerpalasunut ulorianartunut poorineqartut, uuliamut nappartat assigisaallu allequtserneqassapput seerisinnaanngitsumik.

3.4 Immikkoortoq 1 tankeqarfimmut, qatserisarfimmut, bussinut garage-mut assigisaannullu atugassanngortinneqarpoq.

3.5 Immikkoortoq 2 innuussutissarsiutinut, niuertarfinnut, allaffinnut assigisaannul-

lu kiisalu immikkoortumi teknikkikkut pilersuutitut tunniunneqassaaq.

- 3.6 Immikkoortut 3 aamma 4 inuussutissarsiutitut tunniunneqassapput.
- 3.7 Immikkoortumi 2-mi sanaartukkat qaliaanni sulisunut inissiat pingasut angulugit sananeqarsinnaapput.
- 3.8 Immikkoortuni 3 aamma 4-mi nunaminertami inuussutissarsiuteqarfiusumi ataatsimi sulisunut inissiat sisamat angullugit sananeqarsinnaapput.
- 3.9 Inissiat suliffeqarfinnut immikkut mingutsitsisunut avatangiiserlu pillugit peqqussumi kapitel 5-imi ilaasunut atattillugit sananeqassanngillat.
- 3.10 Sanaartorfissaq 1 orsersortarfissamut siullertut atugassiissutigineqarpoq.
- 3.11 Sanaartorfissaq 2 bussinut garage-mut siullertut atugassiissutigineqarpoq.
- 3.12 Sanaartorfissaq 3 qatersisartoqarfittut siullertut atugassiissutigineqarpoq.
- 3.13 Sanaartorfissaq 12 sakkortusaavimmut teknikkikkullu atortunut atugassanngortinneqarpoq.

§ 4 Aqqusinernut pisuinnaallu aqqu- taannut tunngasut

- 4.1 Illuutit aqquserngup qeqqaniit minnerpaamik imatut ungasissuseqassapput:
- Angallannermut aqqusineq pingaarneq,*
- sanaartukkat nipiliortut: 40 m.
- sanaartukkat nipiliorpallaanngitsut, 20 m.
- Illoqarfiup ilaani aqqusineq A:*
- Aqquserngup kangia'tungaani sanaartugaq, 15 m.
- Aqquserngup kitaa'tungaani sanaartugaq, 10 m.
- Illoqarfiup ilaani aqqusineq B.: 15 m*

Illoqarfiup ilaani aqquserngit C, D aamma E: 10 m

- 4.2 Aqquserngit imatut silissusilerlugit sananeqassapput

Illoqarfiup ilaani aqquserngit A aamma B:

Biilinit aqqusineq, 7 m.

Pisuinaat aqqutaat, 2 m.

Illoqarfiup ilaani aqquserngit C, D aamma E:

Biilinit aqqusineq, 6,5 m.

- 4.3 Illoqarfiup ilaani aqquserngit isui kaajallattarfeqassapput.

- 4.4 Inuussutissarsiuteqarfiup kangia'tungaani kussineq inuussutissarsiuteqarfiup kujataa'tungaa kangia'tungaalu sinerlugu kussiniusumik aputaajaaniarluni appakaattoqarsinnaasariaqarpoq.

- 4.5 Biilinit inissiisarfii imatut amerlatigisut sananeqassapput:

Niuertarfinnut, allaffinnut assigisaanullu 50 m² –imut inissiisarfik ataaseq.

Quersuarmut 100 m² –isut angitigisumut inissiisarfik ataaseq.

Inissiat:

Inissiamut 50 m²-it sinnerlugit angissusilimmut inissiisarfik ataaseq.

Inissianut 50 m² –inut mikinernulluunniit inissiisarfii affaa.

- 4.6 Ilanngussami 2-misut takutinneqartut illoqarfiup ilaani aqquserngit sinaanni biilinit inissiisarfiliortoqassaaq.

Nuup Kommunia isumasioqatigalugu biilinit inissiisarfiliortoqassaaq.

- 4.7 Illoqarfiup ilaata aqqusernga A ilanngussami 2-mi takutinneqartutut kuummut uiguneqarsinnaasariaqarpoq.

4.8 Illoqarfiup ilaata aqquusernga B ilanngussami 2-mi takutinneqartutut kangimut uiguneqarsinnaasariaqarpoq.

§ 5 Sanaartukkap angissusia inissinneqarneralu

5.1 Sanaartorfinni nunaminertanilu inuussutissarsiuteqarfiusuni 24-nik tunnius-sisoqassaaq. Nunaminertat normui nunap assingani 3-mi taakkartorneqarput.

5.2 Sanaartukkat ilanngussani 3 aamma 4-mi takutinneqartutut aqquuserngup tungaanut sammiviata sinaa atuarlugu inissinneqassapput.

5.3 Sanaartukkat ilanngussaq 4-mi takutinneqartumi uuttut kote atorlugu portunerpaaffilerneqartut aalajangersakkanik sippuissanngillat.

5.4 Immikkoortuni 1 aamma 2-mi nunaminertat 75%-ii annerpaamik sanaartorfigineqarsinnaapput.

5.5 Immikkoortuni 3 aamma 4-mi nunaminertat 50%-ii annerpaamik sanaartorfigineqarsinnaapput.

5.6 Sanaartugassat sanaartorfinniittussat sanaartorfissiani taamaallaat ilanngussami 3-mi takutinneqartutut sananeqarsinnaassapput.

5.7 Nunaminertani inuussutissarsiuteqarfiusuni atuisut sanaartortussaaitaapput.

5.8 Sanaartorfinni 3-10-ni sanaartorfissap minnerpaamik 75%-ia illoqarfiup ilaani aqquuserngup sinaa atuarlugu inissimasunik sanaartorfigineqarsimasaaq.

§ 6 Sanaartukkap silataata isikkua

6.1 Silami iikkat qullernik neoninik sakkortuumillu qalipaatilinnik pilersorneqassanngillat.

6.2 Illuliat tamarmik saneqarunik qaliaasa qaavi qernertumik qalliteqassapput.

6.3 Illuutit ataasiakkaat suliffeqarfimmut illumi tassani ingerlanneqartumut attuumassutilinnik taamaallaat allagartalersuisoqarsinnaavoq.

6.4 Immikkoortuni 1, 3, aamma 4-ni illuutit kikkunnilluunniit iserfigineqarsinnaasut innarluutilinnut iserfigiuminartunngorlugit sananeqassapput.

6.5 Immikkoortumi 2-mi illuutit illoqarfiup ilaani aqqusinernit A-mit B-miilluunniit pingaarnertut isertarfilerneqassapput.

6.6 Immikkoortumi 2-mi sanaartukkat minnerpaamik 3 m²-isut annertuussilimmik ussassaarummik ikinnerpaamik ataatsimik igalaaqassapput.

§ 7 Teknikkikkut atortulersuutit

7.1 Teknikkikkut atortulersuutit transformareqarfiillu sanaartorfimmi 2-mi inissinneqassapput.

7.2 Teknikkikkut pilersuutit, soorlu kuuffis-suit, innaallagiasq imerlu nunap iluati-goortinneqassapput.

7.3 Attaveqaatit pilersuisut sapinngisamik mianerineqassapput qallerlugillu sanaartorfigineqassanatik. Taakku allanngor-tinneqassappata piginnittoq oqartussaa-sorluunniit tamatuminnga isumaqatigineqaaqassaaq.

7.4 Sanaartukkat kikkunnilluunniit imermik pilersuutitut attavilerneqassapput.

7.5 Imeq nunap qaaniittoq, tassunga ilanngullugu illut qaaniittoq, kuuffissuarnut kuutsinneqassanngilaq sanaartukkanulli, aqqusinernut, pisinnaat aqputaannut nunaminertanullu sanaartorfigineqanngitsunut akornutaanngitsumik aqqusiorlugu kuutsinneqassaaq.

7.6 Imikoq kuuffissuakkoortinneqassaaq.

7.7 Sanaartukkat innaallagissamik kissamik pilersuummut aalajangersimasumik attavilerneqassapput.

7.8 Sanaartukkat tamarmik kuuffissuarnut imermillu pilersuutinit attavilerneqasapput.

§ 8 Nunaminertat sanaartorfigineqanngitsut

8.1 Nunaminertat inuussutissarsiuteqarfiusut minnerpaamik 180 cm-isut portutigisunik ungaluugaqartinneqassapput.

8.2 Nunaminertat sanaartorfigineqanngitsut tukatsinneqassanngillat.

8.3 Kooqarfik sanaartorfigeqqusaanngitsoq sukisaarsartarfiusorlu sanaartornerni innarlerneqassanngilaq. Nuna naasulluunniit innarliissutigisinnaasaannik issumik allanilluunniit qaleriaarisoeqassanngilaq.

§ 9 Piginnittut peqatigiiffiat

9.1 Illoqarfiup ilaanut pilersaaruteqarfiusumi ataatsimut soqutigisanik suliaqartussamik peqatigiiffiliortoqassaaq.

9.2 Illoqarfiup ilaanut pilersaaruteqarfiusumi nunaminertanik inuussutissarsiuteqarfiusunik piginnittut sumiiffimmi piginnittut peqatigiiffiannut ilaasortaasapput.

9.3 Piginnittut ilaasortaasussaatitaasullu affaasa tamanna kissaatigippassuk piginnittut peqatigiiffiat pilersinneqassaaq, kingusinnerpaamilli illoqarfiup ilaanut pilersaarummit nunaminertat inuussutissarsiuteqarfiusut nutaat affaat tunniussuunneqareerpata.

9.4 Peqatigiiffiup biilinit uninngasarfik, pisuinnaat aqqutaat nunaminertallu sanaartorfigeqqusaanngitsut illoqarfiup ilaanut pilersaaruteqarfiusumiittut aserfallatsaaliussavaat (tassunga ilanngullugu ukiuunerani aserfallatsaaliuineq).

9.5 Peqatigiiffiup najukkami sumiinneranik Nuup Kommunea ingerlaavartumik isimatittassavaa.

§ 10 Sanaatukkanik nutaanik atuilernissamut piumasaqaatit

10.1 Biilinit inissiisarfittut piumasaqaatit naammassineqareertinnagit sanaartukkat nutaat atorneqalissanngillat.

KILLILIUSSATUT AALAJAN- GERSAKKAT ATUUTTUT

Kommunimut pilersaarut Nuuk 1993-2005-mi Immikkoortoq killiliussami 4-mi, Qinngorput, tunngiviusumik najoqqutassat tullinnguuttut maakku aalangersarneqarput:

Pilersaarummi siunertarineqartut

Illoqarfiup ilaa Qinngorput ilutsimi pingaarnermi siunissami illoqarfiup alliarorfissaatut toqqarneqarsimavoq. Sumiiffik ammasunik-pukkitsunik aamma imminnut qanitunik-pukkitsunik inissiliorfissatut kiisalu illoqarfiup ilaani qitiusoqarfissatut umiarsualivittullu siunertaqartumut tunniunneqarpoq.

Qinngutsinni sanaartorneq naammassippat illoqarfiup ilaata nutaartaa 1.700-t missaanniittunik inissiaqassaaq 4.000-illu missaannitunik inoqassalluni. Inissiliorfissaqarluarnera pissutigalugu sumiiffiup immikkoortukkuutaarlugu alliarortinneqarnissaa aalajangersarneqarpoq.

Sumiiffimmi misissueqqaarnerit inerneripigineqartut illoqarfiup ilaata erseqqinnerusumik alliarortinneqarnissaanut ilusilersorneqarnissaanullu naammattumik tunngavisiinngillat. Taamaattumik inaarutaasumik misissueqqaarnerit inerneripigineqaleriapata malittarisassat pingaarnert kommunimut pilersaarummut tapiliussami malittarisassat aalajangersarneqarumaarput.

Taamaattumik tunngaviusumik najoqqutassat tullinnguuttut makku misissueqqaarnissallu ingerlanneqarnissaanu tunngaviusussat kommunimut pilersaarummi aalajangersarneqarput.

Sumiiffik ilaatigut kitaaniit pingaarnermik aqquserniornikkut, Aqissersiorfikkut putorsualiakkoortussaq, ilaatigullu avannaa'tungaanit, Aqissersiorfiup kangia'tunginnguatiqut, mittarfimmut aqquserngup kujam-mukanneq aqqusineq nutaq kangimut-kimmoortoq napillugu tallineqarneratigut,

aqqusineqartinneqartussatut naasorsuutigineqarpoq. Taamaalilluni illoqarfiup nutaartaa illoqarfiup sinneranut immiut illersorsinnaasumik angallannikkut attaveqalersutut isigineqalissaaq. Illoqarfiup ilaata allilileriffigineqartup iluani aqqusineq sapinngisamik nunami sanaartukkat sinai atuarlugit sananeqassaaq, tassa imaappoq sissamiit tiffasinnerusukkut.

Immikkoortutut siullertut umiatsialiveqarfik qitiusoqarfillu illoqarfiup ilaata qeqqanut inis-sinneqassapput.

Illoqarfiup ilaa nunaminertanik sanaartorfigeqqusaanngitsunik assersorlugulusooq agguataarneqassaaq agguataarneqarneratigullu sissami sumiiffiit tiffasinnerusumilu nunaminertat sanaartorfigeqqusaanngitsut ataqati-giinneri qulakkeerneqassapput.

Sumiiffik 68.90 ha-isut annertussuseqarpoq.

Avatangiisinut piumasaqaatit immikkoortullu piumasaqaatitaqarfiusut

Napparussuit eqqaanni immikkoortunut isumannaaallisaaffiusunut aalajangersakkat ataq-qineqassapput.

Mittarfiup eqqaanni immikkoortunut aalajangersakkat ataqqineqassapput. Sumiiffimmi illuliortiternermi allanillu sanaartornermi mittarfimmi immikkoortut nipiliorfiusut pillugit malittarisassat ataqqineqassapput. Mittarfiup eqqaanni nunaminertat immikkoortumut nipiliorfiusoqarfimmut ilaatinneqartut (mittarfimmiit 700 miiterit) nipinut malussarissunut siunertaqartunut, tassunga ilanngullugu inis-siatut siunertaqartunut, atorneqassanngillat.

Imerk tigoqqaaveqarfiup (milluaaviup) eqqaanni immikkortoq appakaaffigineqaqqu-saanngitsoq pillugu aalajangersakkat ataqqineqassapput. Immikkoortumi appakaaffigeqqusaanngitsumi sanaartukkat suliallu imermik mingutsitsisinnaasut sananeqarnissaannut akuerineqarsinaanngitsut killilerlugit nalunaaqutserneqarsimapput.

Siunissami killiliussassatut aalajangersakkat

SUMIIFFIK	4B1 – NATERNAQ
Pissutsit atuuttut	Sumiiffimmiippoq Qinngutsinni qitusoqarfiup 4C1 – Pisissiaata (Pisissia) kujataatungaani nunaminertaq. Sumiiffik pinngortitaanermisut isikkoqarpoq. Sumiiffik 7,3 ha. missaanniippoq.
Pingaarnertut ilusissaa	Pingaarnertut ilusissaani nunaminertaq inuussutissarsiutinut siunertanut qatserisartoqarfimmullu immikkoortinneqarsimavoq.
Illoqarfiup ilaanut pilersaarusiornermut aalajangersakkat	Illoqarfiup ilaanut pilersaarutit imaannut nalinginnaasumik killiliussat sumiiffimmut atuupput. Tamatuma saniatigut ima killiliussatut aalajangersaasoqarpoq:
Nunaminertanik atuineq	Sumiiffik inuussutissarsiornermut tankeqarfimmullu immikkoortinneqarsimavoq.
Initussuseq	Immikkut piumasaqaateqartoqanngilaq.
Sanaartukkat	Nutaanik sanaartulinnginnermi tamanna illoqarfiup ilaanut pilersaarummi aalajangersarneqassaaq. Sanaartukkat pingaarnertut aqqummut qaninnermi saqqaatut inissinneqassapput sumiiffiup aqqusiniisa tungaannut..
Illoqarfimmik nutarterineq isaterinerlu	Immikkut piumasaqaateqartoqanngilaq.
Eriagisariallit	Immikkut piumasaqaateqartoqanngilaq.
Nunaminertat sanaartorfigeqqusaan-ngitsut nunallu ilisarnaataat	Nunaminertat sanaartornermut atortunullu atorineqanngitsut sanaartorfiunngitsutut uninngaartarfittullu ilusilersorneqassapput imaluunniit pinngortitaanermisut isikkoqaannassallutik.
Angallannermut teknikkimullu sanaartukkat	Sumiiffimmut aqqut Qinngutsinni pingaarnertut aqqusinnermit pilersinneqassaaq. Illoqarfiup ilaanik ataasiakkaanik atassusiisumik ataatsimut aqqusineeraliisaaq qularnaarneqassaaq. Sanaartukkat tamarmik innaallagissamoortumik kiassaaserneqassapput pisortallu imermik pilersuinerannut atassuserneqarlutik.
Avatangiisinut piumasaqaatit nunaminertallu piumasaqaatitaqarfiusut	Sumiiffimmi suliffeqarfinnik immikkut mingutsitsisunik pilersitsisoqassanngilaq. Taamaattorli makku pilersinneqarsinnaapput: Assilerinnermut tunngasuni suliffissuaqarneq assilerinnermullu tunngasuni laboratoriaqarneq Plastikiusunik naqitsinnermut, ipaasanik atortuliornermut suliffeqarfiit.

Immikkoortukkuutaarlugit allilerinerit	Kaavititsilluni naqiteriviit, savimineq atorlugu naqiteriviit atuakkanillu naqiteriviit. Maskiinat saffiorfiit. Saliisarfiit errorsisarfiillu. Errorsisarfiit mekaniskiusut kiisalu qamutitut motoorilinnut sullissiviit iluarsaassisarfiilluunniit. Pujooriviit, neqaarniarfiit inuussutissarniarfiillu. Illuliassanut atortussiat atorlugit katitertariaannarnut suliffeqafiit. Immikkoortoq ilitsivittut atorneqarsinnaavoq Qinngutsinnilu sanaartorfissagissaanermut atatillugu inuussutissarsiorfiit pilersinnginnerini ujaqquqeriviugallartut atorneqarsinnaalluni.
---	---

AKUERSISSUTIGINEQARNERANUT ATSIORNERIT

Matumuuna Nuup Kommuneata Kommunalbestyrelsianit illoqarfiup ilaanut pilersaarut, 4B1-1, Naternaq kiisalu Kommunimut pilersaarummut tapiliussaq nr. 33 akuersissutigineqarpoq.

Ulloq: 26/06-06



Malinánguaq Marcussen Mølgaard
1. Viceborgmesteri

/





Kim Hvistendahl
Allaffissornermi pisortaaneq


Naalakkersuisut matumuuna Kommunimut pilersaarummut tapiliussaq nr. 33 akuersissutigaat.

Ulloq: 12/10-06

Namminersornerullutik Oqartussat
GRØNLANDS HJEMMESTYRE
Direktoratet for Miljø- og Natur
Postbox 1614, 3900 Nuuk



Illoqarfiup ilaanut pilersaarut 4B1-1, Naternaq, Kommunimut pilersaarummut tapiliussartalik nr. 33 inaarutaasumik akuersissutigineqarluni tamanut saqqummiunneqarpoq ulloq 18.10. 2006.




**TEKNIKKIMUT AVATANGIISINULLU
INGERLATSIVIK**

Ulloq / Dato
Tegningsnr.
J. nr.
Skala
Sull. / Sagsbeh.

Junl 2006
T.001
16.04.4B1-1
1:5.000
NARA

Kommunimut pilersaarummut tapiliussamut nr.
33-mut killiliussaqaqriup nunakkut assinga

Ilanngussaq 1




**TEKNIKKIMUT AVATANGIISINULLU
INGERLATSIVIK**

Ulloq / Dato
Tegningsnr.
J. nr.
Skala
Sull. / Sagsbeh.

Juni 2006
T.002
16.04.4B1-1
1:2.000
NARA

**Illoqarflup Ilaanut pilersaarutitut 4B1-1, Naternaq
Killiliussaqaarfik killiliussaqaarfup ilaa
Ilanngussaq 2**




**TEKNIKKIMUT AVATANGIISINULLU
INGERLATSIVIK**

Ullaq / Dato
Tegningsnr.
J. nr.
Skala
Sull. / Sagsbeh.

Juni 2006
T.003
16.04.4B1-1
1:2.000
NARA

Illoqarfiup ilaanut pilersaarutitut 4B1-1, Naternaq
**Sanaartorfiit sanartorfiilu normui
llanngussaq 3**



**TEKNIKKIMUT AVATANGIISINULLU
INGERLATSIVIK**

Ullaq / Dato
Tegningsnr.
J. nr.
Skala
Sull. / Sagsbeh.

Juni 2006
T.004
16.04.4B1-1
1:2.000
NARA

Illoqarfiup ilaanut pilersaarutitut 4B1-1, Naternaq
**Illuliat portunerpaaffissaat
Ilanngussaq 4**